

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.



QUÆSTIO MEDICA,* CARDINALITIIS DISPUTATIONIBUS;

manè discutienda in Scholis Medicorum, die Jovis vigesimâ-tertiâ mensis Martii, anno Domini M. DCC. LXXV.

M. CAROLO DIONIS, Doctore Medico
Præside.

An in ætate mediâ rariori indulgendum cibo ?

I.

ÆTAS, illud vitæ spatium, quo manifesta sit animi corporisque maturatio, cum variis anni tempestatibus comparari potest. Nulla semper floret; puerorum infirmitas, juvenum ferocitas, gravitas constantis ac mediæ ætatis, maturitas senectutis suo quovis tempore percipiuntur, sua cuique parti ætatis data tempestivitas, suus est ortus ac interitus. Tenebrosissimum ineuntis & insciæ ætatis tempus excipit florens ætas, cui fervor inest, quo progrediente, omnia fiunt in dies mitiora. Juventutem ut plurimum emendat ulu edocta gravis & constans ætas regenda mox & ipsa redarguenda senum ætate maturissimâ quæ in æstimatione conquiescit. Cum autem acta honestè & splendide superior ætas tantam afferat consolationem, ut eos, qui ita vixerint, aut non tangat ægritudo, aut perleviter purgat animi dolor, non ætatis progressum ad saniora rediturus expectes. Non cani, non rugæ autoritatem arripiunt; fructus quos meruerint, hominibus severissimè retribuuntur, nec præterita ætas, quamvis longa, (*) stultam senectutem unquam permulcebit. Et cum ventris ac gulæ vitia nedum minuat ætas, ea ut plurimum augeat, ea sit per vitæ curriculum assueta victûs ratio quæ cuiusque ætatis naturam æstimet, sustentando corpori consulat, illiusque jacturas refarciat.

(*) Cic. Tuscul.
Lib. I.

II.

ET sanè nec alimentis nec eorum præparatione quandòque nocivâ indigeremus, nisi indefinenter è corpore avolans substantia, aliam de novo expisceret viribus reparandis ac sustentandis, obeundisque corporis functionibus maximè idoneam. Toti igitur esse debent Medici non solum ut corrigant ciborum qualitates, sed ut eam alimentorum præscribant quantitatem, quæ cuique ætati ac temperamento utiliore existimaverint. Sic ætas iniens, quæ calida & humida, perpetuo motu eoque necessario movetur irrequieta, frequentiori, leviori ac simplicissimo pabulo gaudet, quo partes

* Propugnata anno 1757.

molles ac delicatulae expansioni fiant habiles, elongentur non rigeſcant, perpetuo madeant rore nec unquam ſiccentur. Hinc illa ætas maximè arcenda eſt à libidinibus, quibus & calor abſumeretur retardareturque accretio. Juventus, vitio parentum rara ætas, in qua corpus magis ac magis adoleſcit, caveat ab alimentis, quæ fervorem nativum accendant, conſtantemque ſeu mediam ætatem accelerent: gaudeat equis, illam caſtra & bella juvent, in labore improbo animi, corporiſque patientiâ exerceatur, nec unquam illius indutia in antelucanis cœnis expromatur. Sic, ſuo tempore, læti juvenes ſpectatiſſimâ optimâque conſiſtenti ætate fruuntur, quæ, cum ſola pari corporis animique impetu rerum gravitatem ſuſtineat, ſervando nervorum robori conſulere debet. Adhibeatur itaque cibi potioniſque moderata quantitas, corporis ſtatus expoſtulat ad reſciendas vires, non opprimendas: ſin verò, præmatura ſenectus morborum iliade vexabitur.

I I I.

IN ætate mediâ ſeu conſtanti, univerſæ corporis partes in ultimum ex-
tenſionis accretioniſque gradum perventæ, ad immiſſionem decretionemque ſerâs occuſve properabunt prout ſalubribus artis Intricæ conſiliis pluſ minuſve benignam aurem accommodaverit hæc ætas. Cum autem univerſa naturæ corpora, quæ aluntur & creſcunt, in ſe vim caloris contineant, ſine quâ non ſolum nec ali nec creſcere, ſed etiam nec conſiſtare diu poſſunt, ad cuſtodiam ſalutaris ignis ſedulo invigilandum eſt, ne aut vividior eutritus pabulo, flammam citius concipiat ac in auras pervelet, aut majori & inutili alimentorum pondere preſſus, neceſſariâ defraudatus ventilatione, ſuffocatus occumbat. Humanum quippè corpus conſtat ſolidis fluidiſque partibus, motu reciproco donatis. Per humorum fluentium circumductionem, perpetuamque ſolidorum actionem minimæ partes deteruntur, detritæ liquoribus immiſcentur, moventur, exhalant; fluida quoque attritu repetito, conſtanti motu ſecretionibus innumeris depauperata imminuuntur, ad exhalantia vaſa aſſatim appellant, foràs ubertim protruduntur: iſpis tamen laus eſt propria, ut faciliùs poſſint reſci quàm ſolida; quæ, licet à liquidis orta eſſe videantur, ut in ovo incubato demonſtratur, tamen quiete fluidorum oggerentium cohæſione, inſpiſſatione, ſiccitate indurantur, frigent, ſeneſcunt, moriuntur. Quæ ſimplex, inſulſa, leviſſimaque debet eſſe lymphæ, apta nata vires reſcere, partes evolvere ac nutrire, ex parte ſolidorum expoſcit motum liberrimum evolutiſſimumque, ut ſubtilis atteratur & ſuat. Motum hunc adeò ſalutarem ac neceſſarium, non diuturniorem pollicentur fibræ ad rigiditatem indurationem ſiccitatemque; heu! nimium à naturâ diſpoſitæ. Poſitâ igitur principiorum corporis ſtructurâ & indole, illud fertur in ruinam ineluctabilem quam tamen ex victis prudenti ratione ac normâ retardare ac protrahere poſſe gloriatur ars medica, nec immeritò. Sit enim vigiliæ & ſtudiû ſcopus, ut liquoribus concilietur fluiditas, ne ſpiſſentur, fibris molities, ne rigeſcant: ubi nulla ampliùs vaſorum requiritur evolutio, accretio, elongatio, non frequentiori & abundantiori cibo ingurgitentur, ne vis virium naturæ, quæ priùs in ampliandis fibris diſtracta erat, in eis anguſtandis, ſiccandis & indurandis impedita ſit ac diſtenta. Etenim, in mediâ ætate quælibet imminuuntur organorum actiones, graviori paſſu incedit pulſus, lentior in dies evadit ſolidorum actio, non igitur pluſ

laboris, vel animo; vel corpori imponat virilis ætas quàm abimī vigor, vel corporis vires suāviter admittunt, non plūs ventriculo addatur cibi, quàm fert ætas fructu natura postulat, & tunc morborum sævitiam vitare, longævitatē fructus percipere, viridem senectū, vitæ sobriæ præmium, experiri placidumque vitæ finem obire non erit addeò arduum.

I V.

VARIAS inter hominis ætates, nulla periculosius gulæ vitii cibique erroribus afficitur, quàm virilis ætas, nulla proinde certā vitii ratione magis refrænanda. Quos enim singulæ ætates propriis armis repellunt avidi ventris ictus, hæc illucem nuda parat: & quidem juveniles annos quandòque vexat succorum redundantia: at citò calorū humidi potentia & actione elevatur, ad exercitia cuiuscumque generis spontaneā alacritate dissipatur, tandem debitā partium accretione consumitur. In senibus, vasa siccitate rigida, vel flacciditate debilia, piethoram difficulter admittunt, admissamve incaute facili negotio paulò-post, faventibus emunctoriis, evacuant ac rejiciunt, vel in pituitam vertunt faciliem & abundantem. At verò, in ætate mediā, leges sobrietatis non imponē dū spreveris. Omnes enim succi alibiles facillimè parantur, retinentur & asservantur. Saliva, arteriosū sanguinis progenies, masticationis tempore abundanter effluens, succi gastrici vicaria, bilis æmula, cibos apprimè diluit & dividit; bilis saponacea quā pollet indole, chylum efficaciter elaborat, inde in ætate consistenti corpus facilius saginatur, pinguescit splendendamque sanitatis imperiti vulgi oculus præfert speciem. At quantum ex istā specie bonorum surgere amaritudinis? Quanta ex ipsismet securitate mala? Dum enim pinguescit corpus, inertes sunt succi & solidiorum immittitur actio. Aliundè frequenti ac nimia alimentorum usurpatione distendantur ventriculi fibræ & de tono deperdunt. In intestinorum tractu, pluribus inercalatis digestionibus, peristaltica rumpitur actio, còque molestius, quòd aer inclusus nimiumque rarefcens, sub importuno flatuum nomine notissimus, fortius expandatur, abdominisque angustentur viscera. Hinc, aoriā descendente compressā, crassior & exundante fero adhuc dum turgidus sanguis, superiora petit vasa, organa nobiliora ingurgitantur, anfractuosa mollioris cerebri substantia varicibus sædatur, cerebro compresso vel stagnante succe nerveo, apparent apoplexiæ, prodromi vertigines, membra stupor invadit, supervenit morbus attonitus vel immedicabilis resolutio; lymphæ malè subactæ spissæ scit, hæret, pulmōnes subit, & dyspnœam, catarrhum, vel hy'ropem prænuntiat; difficilē bile tumens jecur, fervido irritatur calore, vel obstructionibus & scirrho induratur; turgent & incallescunt hæmorrhoides; tandem ne salubri exercitio tantas ægitudines valeant excutere, arthritis artus occupat & malè torquet. Tot verò mediæ ætatis affectus frequenti cibo & opiparæ mensæ adscribendos utut prima artis Medicæ elementa sapiat, nemo inficiabitur. Novo quippè succo non oppleantur viscera, vitali quo pollent motu, pondus inutile excutient, interpositā quiere, novas resument vires, assueta redintegrabunt munia, morborumque assultus præcavebunt ac ludent. Quid autem inter assumenda alimenta intervalli esse debeat, pro variā subiecti naturā, temperamentī indole, vitæ consuetudine, regione, anni tempestate, sexu diverso, corporis exercitio prudens æstimabit Medicus toto fanè aberraturus cælo,

4

nisi attendat, in ætate mediâ cibum frequentem sanitati quàm maximè ad-
versum, salubriorem verò si rarò concedatur.

V.

AT verò, inquires; plûs sobrietati adverſantur hæ noſtræ ſobrietatis læ-
ges, quàm ipſamet immoderatæ gulæ incontinentia. Quos enim raris
aſſuetos menſis videmus, eoſdem ultrâ neceſſitatis & naturæ votum edere
magiſtra docet experientia. Fame quippè eneſti factique edaces, avido ore
alimenta quævis & abſque delectu, inſalutariâ maſticatione, deglutientes, in
ventriculo aſſatim protrudunt cum gravi ſanitatiſ periculo. Ita ſanè; quo-
ties à frequenti diſcedent menſa, ut opiparæ ſtudioſius accumbant. Nec ea
eſt conſilii noſtri ratio: quid valeat, quid ferre recuſet ſtomachus, attendant
mediæ ætatis homines; quam corpus reſciendum & inſtaurandæ vires ex-
poſcunt, & quidem rarò & ad normam ſobrietatis uſurpent cibi quantitatem,
à menſa furgant agiles ad expedienda negotia, citrà ſaturitatem veſcantur,
fame depulſâ, recreatis viribus, labore & exercitio ruſum firmatis, dor-
miant ut plurimùm incoenati, ſi blandiorem ſalutaris ſomni ſuavitatem hau-
rire velint. Naturalis quippè ſomnus irrepit à remiſſiori ſpirituum influxu,
& præſertim à penuriâ ſubtiliſſimi ſucci nervei, labore & exercitio conſumpti.
Quamlibet aliam ſomni cauſam, nedum fovendam, quin longè fugiendam
arbitramur. Si enim oriatur ſomnus ab ingeſtione nimia & remorâ in ven-
triculo cibi ſolidioris tenaciorisque, aut à potu copioſo liquoris vegetabilis
fermentati ac maximè ſpirituofi, aut ab aromatibus penetrantibus fragran-
tiſſimis, tandem à quâvis aliâ cauſâ eâque multiplici, quæ appuſſum ſanguinis
vitalis impediât in corticem cerebri ejuſque tranſitum per illius vaſa turbet
vel retineat, neceſſaria ſequetur œconomix animalis ruina. Aliundè in ſomno
etiam naturali angetur morus cordis, pulmonum, arteriarum, viſcerum;
humorum vitæ circuitus validior eſt & æquabilior per canales liberioreſ
& ingreſſui patentioreſ, utpotè muſculorum actione nuſquàm impe-
ditos. Impulſis itaque fortitùs per vaſa majora liquidis, per vaſa lateralia
debiliùs hæc moventur, imò & in minimis quieſcunt, undè pinguedo coacer-
vatur. Propioribus ergò ſomno, cibo repleti non expedit, imò prorsùs
inutile, cùm eadem ſerè ſint ſomni & cibi vices, idem munus & officiũ.
Etenim in ſomno naturali, chyli materies in lympham enutrientem & in
tenuioreſ humores quàm optimè commutatur, ſubſtantia deperdita blandè
recuperatur; humores reſtituuntur, humoribus de novo productis & fluen-
tibus, ſucco nerveo appellente, partes ad motum excitantur, redeunt muſ-
culis agilitas, nervis vires, mentique vigor; ſecùs verò ex diſtis, ſi graves
cibo, ſopori mortis conſanguineo ſua membra dare non reformident.

Ergò in ætate mediâ rariori indulgendum cibo.

Proponēbat Pariſiſ JOANNES THAURAU, Claromontenſis;
Saluberrimæ Facultatiſ Medicinæ Pariſienſiſ Baccalaureus.
A. R. S. H. 1775. à ſextâ ad meridiem,

Typis Quillau, Univerſitatiſ & Facultatiſ Medicinæ Typographi, 1775.